
Фурқатлик гулчилар оиласи ушбу ҳунар орқасидан 80-100 млн сўм йиллик даромад топмоқда

Гул етиштириб рўзғор тебратаётган оилалар юртимизда кўп. Фурқат тумани "Томоша" маҳалласида яшовчи Рашидовлар оиласи ҳам ушбу ҳунар орқасидан 80-100 млн сўм йиллик даромад топмоқда.

Оила ўз шахсий томорқасидаги 8 сотих ер майдонида гул етиштириш учун иссиқхона ташкил этган. Бу ерда 10 турдаги гуллар парвариш қилинади.

Табий маҳсулот эса ички бозорда жуда харидоргир саналади. Оиланинг йиллик соф даромади 80-100 млн сўмни ташкил этади.

"Уруғлар чиқиб катта бўлганидан кейин ёрдамчи сифатида ишчилар оламиз. Мавсумий 10 нафар, доимий 4 нафар қўни-қўшнилари иш билан таъминлаганмиз", — дейди Машҳурахон Рашидова.

Машҳура опа гул парваришлаб ҳам инсон катта ютуқларга эришиши мумкинлигини эътироф этар экан, "бу йилги даромадимиздан машинани ҳам оиламизга шу гуллар олиб берди, меҳнат қилган одам ҳеч қачон кам бўлмас экан", — дея таъкидлайди.

Шунингдек оила вакиллари томорқадан унумли фойдаланиш мақсадида учинчи экинга кўкатлар экиб ҳам 20 млн сўмдан ошиқроқ даромад олиш мумкилигини ҳам ўз тажрибаларидан ўтказган.

2023-11-09 17:12:12